

# **LUTRIJA BOSNE I HERCEGOVINE d.o.o.**

## **UPRAVNI ODBOR**

Na osnovu člana 16. Zakona o igrama na sreću („Službene novine FBiH“, br.1/02. i 40/10.) i člana 13. Statuta Lutrije Bosne i Hercegovine d.o.o. Sarajevo (“Službene novine FBiH”, br.43/03.), Upravni odbor Lutrije Bosne i Hercegovine, na sjednici održanoj dana 23.07.2013. godine, donio je

### **P R A V I L A**

#### **novčane srećke “FESTIVALSKA SREĆKA”**

#### **1. OPŠTE ODREDBE**

##### **Član 1.**

Ovim se Pravilima propisuju uslovi za priređivanje novčane srećke “FESTIVALSKA SREĆKA” (u daljem tekstu: srećka).

##### **Član 2.**

Ova Pravila su isključivi zakonski i pravni osnov za zaključivanje ugovora o učestvovanju u igri novčane srećke “FESTIVALSKA SREĆKA”.

Ugovor iz stava 1. ovog člana zaključuje se između Lutrije Bosne i Hercegovine d.o.o. (u daljem tekstu: Priređivač) i učesnika u igri na osnovu prihvatanja opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

#### **2. NAZIV I VRIJEME TRAJANJA IGRE**

##### **Član 3.**

Novčana srećka „FESTIVALSKA SREĆKA“ je igra na sreću sa unaprijed utvrđenom visinom fonda dobitaka, u kojoj učesnik skidanjem emulzije sa određenih polja saznaje rezultat igre koji je otisnut u prostoru za označavanje dobitka.

##### **Član 4.**

Rok prodaje srećke otisnut je na srećki.

Rok prodaje srećke može se produžiti odlukom generalnog direktora Priređivača. Odluku o puštanju u prodaju svake od serija donosi generalni direktor Priređivača i ista će se objaviti u jednoj od dnevnih novina.

### **3. USLOVI ZA UČEŠĆE U IGRI**

#### **Član 5.**

Učesnikom u igri smatra se osoba koja je s Priređivačem zaključila ugovor iz člana 2. ovih Pravila, uz dokaz da posjeduje srećku (u svemu u skladu sa članom 10. ovih Pravila).

Srećka glasi na donosioca.

### **4. PODRUČJE PRIREĐIVANJA U IGRE**

#### **Član 6.**

Srećka se priređuje na području Federacije Bosne i Hercegovine.

### **5. POJEDINAČNA CIJENA SREĆKE**

#### **Član 7.**

Cijena jedne srećke je 2,00 KM.

### **6. KOLIČINA I NOVČANA VRIJEDNOST EMISIJE SREĆKE**

#### **Član 8.**

Srećka se emituje u serijama. Jedna serija sadrži 50.000 (pedeset hiljada) komada srećaka. Novčana vrijednost emisije srećaka iznosi 100.000,00 KM (sto hiljada konvertibilnih maraka). Odluku o broju serija donosi generalni direktor Priređivača.

### **7. VISINA FONDA I VRSTE DOBITAKA**

#### **Član 9.**

Fond dobitaka iznosi 70% od emisione vrijednosti, ili 70.000,00 KM, a iznos se dijeli na 21.900 dobitaka.

Fond dobitaka serije se raspoređuje po slijedećem planu:

Komada	Dobici	Iznos
50 x	100,00 KM	5.000,00 KM
100 x	50,00 KM	5.000,00 KM
500 x	10,00 KM	5.000,00 KM
6.250 x	4,00 KM	25.000,00 KM
15.000 x	2,00 KM	30.000,00 KM
<b>21.900</b>		<b>70.000,00 KM</b>

## 8. OPIS SREĆKE

### Član 10.

Srećke su pravougaonog oblika. Srećka se štampa u jednom vizualu.

#### Prednja strana srećke sadrži:

- Naziv srećke „Festivalska srećka“ sa vizualom;
- Logo Lutrije Bosne i Hercegovine;
- Logo „Pola sreće drugima“;
- Cijena srećke;
- Oslíkana filmska traka u kojoj tri polja predstavljaju polja za igranje označena sa „ogrebi“ ispod kojih su otisnuti novčani iznosi;
- Logo Sarajevo Film Festival sa natpisom Partner;
- Polje sa uplatnom šifrom u brojčanoj i bar kod formi;
- Polje prekriveno emulzijom sa natpisom „ne skidaj“.

#### Poledina srećke sadrži:

- Logo Lutrije Bosne i Hercegovine;
- Logo „Srećke na dohvat ruke“;
- Logo WLA – Certified Security Control Standard;
- Logo ISO 27001 – TUV NORD;
- NOVČANI DOBITAK: Ukoliko se otkriju tri ista iznosa, ostvaruje se novčani dobitak.;
- SREĆKA JE NEVAŽEĆA AKO JE OŠTEĆEN DIO EMULZIJE SA NATPISOM „NE SKIDAJ“.;

- EMISIJA 50.000 SREĆAKA;
- EMISIONA VRIJEDNOST 100.000,00 KM;
- FOND DOBITAKA iznosi 70% od emisione vrijednosti ili 70.000 KM;
- PLAN DOBITAKA;
- PRIREĐIVAČ: Lutrija BiH d.o.o, Ul. Mehmeda Spahe 11., 71000 Sarajevo;
- Datum prodaje do otisnut na srećki;
- Podaci o dobitniku: Ime i prezime, adresa, JMB.

## **9. UTVRĐIVANJE DOBITAKA**

### **Član 11.**

Igrač utvrđuje dobitak skidanjem emulzije sa tri polja. Ukoliko se otkriju tri ista iznosa, ostvaruje se novčani dobitak u jednostrukom iznosu.

Igrač u igri nije dužan uzeti srećku na kojoj su vidljivi znaci oštećenja.

## **10. NAČIN I ROK ISPLATE NOVČANIH DOBITAKA**

### **Član 12.**

Pri isplati dobitaka učesnik je dužan predati Priređivaču dobitnu srećku. Dobitna srećka je ona srećka koja sadrži navedene elemente u članu 10. ovih Pravila, tako da se može nedvojbeno utvrditi dobitak. Dobitke isplaćuju: uplatno-prodajna mjesta ili blagajna Lutrije BiH.

### **Član 13.**

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

### **Član 14.**

Priređivač ne snosi odgovornost za srećke koje su na bilo koji način nestale ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

### **Član 15.**

Ispod emulzije na kojoj je napisano "NE SKIDAJ" se nalazi šifra. Priređivač čuva tajnost šifre.

## **11. NAČIN UPOZNAVANJA UČESNIKA U IGRI S OVIM PRAVILIMA**

### **Član 16.**

Ova Pravila nalaze se na svim prodajnim mjestima Priređivača. Osobama zainteresiranim za sudjelovanje u igri Priređivač je dužan omogućiti upoznavanje s ovim Pravilima, odnosno dati ih na uvid.

## **12. PRELAZNE I ZAVRŠNE ODREDBE**

### **Član 17.**

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

### **Član 18.**

Ova Pravila stupaju na snagu danom donošenja, a primjenjivaće se puštanjem u prodaju 1. serije srećke i ista će se objaviti u jednoj od dnevnih novina.

Broj: 01-18-1584/13.  
Dana: 23.07.2013. godine

**P R E D S J E D N I C A**  
**Ivana Bunoza, s.r.**